

փառաւորելու և պատուելու պատարագօք և երգօք զՏիրամայրս մեր: Առ Աստուածամայրն ջերմեռանդութեան համար կայ տպուած լեհ լեզուով աղօթամատոյց — երգարան մի, որ զայս վերնագիրս կը կրէ. « Երկրպագութիւն մեղաւորին 'ի պատիւ և 'ի փառս Սրբուհոյ Կուսին Մարիամու, որ հասանէ յօգնութիւն հաւատացելոյն հրաշափառապէս առ պատկերին որ կայ 'ի ժողովրդապետական եկեղեցւոյ Հայոց 'ի Կամենից Փոտոլեան, յանուն Նիկոլայ սքանչելագործ եպիսկոպոսին Միւռօնայ » . որ է տպագրեալ 'ի Կամենից, 1860: Այդ երգարանը շատ անգամ տպագրուած է. 1860ին տպագրուածին սկիզբը հետեւալ տեղեկութիւնը կը կարդանք. « Ծանօթութիւն զպատկերէ Սրբուհոյ Կուսին Մարիամու, որ համբաւեալն է հրաշագործութեամբ յեկեղեցւոյ Հայոց 'ի Կամենից »: — Մինչև ցարդ եղած մանր հետազօտութիւնք, ինչպէս եկեղեցւոյ դիւանին, նոյն և այլ տեղեր շտուին մեզի հաւաստի տեղեկութիւնք Հրաշագործ պատկերին ծագման կամ հնութեան մասին. փասն զի ամենայն դիւանական գրուածք Հայոց եկեղեցւոյն՝ կորսուած են Թուրքաց 'ի Փոտոլիա յարձակման միջոց: Ստիպուած եմ հաւաքելու հաւատացելոց աւանդութեամբ պահածը, մասնաւորապէս Հայոցը: Այդ աւանդութիւնք ցայսօր պահուած են անայլայլակ առ ջերմեռանդ հաւատացեալս: Հաւաստիք են աւանդութեանցս հին աղօթամատոյցք, նորատիպքն կրած են սակաւ այլայլութիւնք, մինչդեռ հինք՝ տասն տպագրութեամբ 'ի լոյս ընծայուած են անփոփոխ:

Հին աղօթամատոյցք միակ տպագրեալ յիշատա-